

中教正安野半原說
正七位葵川信近編輯

杖桑教

明治十五年三月出版
杖桑教會講學堂藏版

扶桑教

原說
編輯

中教正實野半
正七位葵川信近

神理大要第二章

大祖參神在太一之先故
知太一亦亟三焉夫天地

未分元氣混淆爲一。是謂
太一。元氣也者神之太息
而理於是寓焉。理也者神
之精意而氣由是運焉。氣
運而寓理以成天地。一神

中焉。二神參焉。陰陽因以
分矣。陰陽者一神之妙用
而二神之功化也。天道以
陽。地道以陰。日麗于天。陽
氣以降。月附于地。陰氣以

施陽舒陰縮陽張陰歛陽
與陰奪陽闢陰闔陽進陰
退陽動陰靜陽剛陰柔陽
游于表陰凝于裏夫陽降
而陰騰天地絪縕萬物斯

化矣物之最靈者為人其
餘動植二類爲物陽道成
男陰道成女在物曰雌雄
曰牝牡資質于陰稟氣于
陽凝於造化之初而成於

造化之後。人以人相繼。物以物相繼。陰陽也者。蓋造化。鉤冶之橐籥也。故孤陽不起。單陰不立。夫日蓄光。熱逞翕張之力。然非藉乎

地。不能煦而育之。地藏風。水諸質。群形殖焉。然非資乎日。不能載而養之。且夫人之生。資質于地。稟氣于天氣者。生之本。而質者生

之具氣者陽之魄而質者
陰之魄陽之魂常附陰之
魄陰之魄常載陽之魂故
知陰陽必相待而立蓋一
神之妙用而二神相待而

立者散在于萬物也凡生
化不息者神之太息而神
之精意矣故我大陽天地
及恒星諸界大祖參神之
靈而兩間萬物大祖參神

之變形以成者也。故又名
曰大造化工之主。夫大陽
爲經。大地爲緯。而生成萬
物者。非大造化工之主乎。
大陽煦育之恩。大地載養

之德。皆大祖參神之功用
也。故知大陽煦育之恩。大
地載養之德。實原乎大造
化工之主。而不忘其鴻恩
大德。則庶幾乎其不違矣。

神理大要第三章

自無至有之謂造。自有至無之謂化。離乎有無物而承物之謂混沌之宮。太祖參神之神機玄運者也。參

神也者。先乎天地人。惟一而統萬理。命之曰不測之道。道在人心之謂天。真天。真所運異名曰仁曰義。以至百行。故無仁之端者非

人也。無義之端者，非人也。蓋大祖參神者，無於形而妙於有。齋淪大冲，充盈無外。令天地諸神分掌以生物。無方之仁，無體之德。亘

六合而不為高。經終古而不為久。然而精神之在吾儕，是參神之臨于吾躬也。譬如天上孤月，浮在萬水。參神分靈，斯有我。即一本

而萬殊矣。故我亦有大我
之一分。是之謂一物一大
極也。所謂我亦有大我之
一分者。非他。天真。是也。天
真。神之心。故宜以沉愛

爲務。而亦有不_レ得_レ不_レ以_レ偏
愛爲務者。人之生。形以傳
形。而載精神焉。形者器也。
器者各殊用。故人之所當
務亦各異。是故父以愛子

爲務子以愛父爲務夫愛
婦婦愛夫兄弟朋友以至
宗族姻戚莫不相愛是所
謂以偏愛爲務者也。獨人
主君臨于上以博愛爲務

一視而同仁要之人君之
博愛則大我無方之仁而
臣民之偏愛則諸神之分
掌也。夫諸神已有分掌與
人之異所務奚異焉。然則

諸神亦以偏愛為務也。諸神既以偏愛為務。故祈之得福。不然則否。惑者不察。為遺大祖參神。猥信他神。或至於一旦祈之。一旦疎

之。作輟無常。神豈不之譴。耶神譴之。是大祖參神。譴之也。大祖參神常臨汝躬。汝其得有貳心乎。

明治十五年二月出版
同年同月刻成

東京府士族

編輯

葵川 信 近


東京小石川區小日向臺町三丁目
壹番地居住

出版人

扶桑教會講學堂

東京芝區芝神明町廿五番地





特56

265